



Castell Brychan, ABERYSTWYTH, Ceredigion SY23 2JB

T 01970 624151 E castellbrychan@llyfrau.cymru llyfrau.cymru gwales.com ffolio.cymru

Prif Weithredwr/Chief Executive: *Helgard Krause*

PENODI AELODAU I WASANAETHU AR ISBWYLLGORAU YMGYNHOROL

MANYLION A CHEFNDIR I YMGEISWYR

Cefndir

Y mae'r Cyngor Llyfrau'n elusen gofrestedig sy'n cefnogi'r diwydiant cyhoeddi yng Nghymru. Y mae'n darparu nifer o wasanaethau arbenigol (ym meysydd golygu, dylunio, marchnata a dosbarthu) gyda golwg ar wella safonau cynhyrchu a chyhoeddi llyfrau yn y Gymraeg a'r Saesneg.

Er bod nifer o sefydliadau'n ymwneud ag agweddau ar gyhoeddi ym maes addysg a'r celfyddydau, nid oes unrhyw sefydliad arall yng Nghymru sy'n ymwneud â holl ystod maes cyhoeddi, o lawysgrif yr awdur i ddosbarthu a hybu gwerthiant.

Y mae gan y Cyngor Llyfrau staff o 38, y rhan fwyaf ohonynt yn gweithio mewn adrannau arbenigol sy'n cynnig gwasanaethau i'r fasnach lyfrau. Yr adran fwyaf yw'r Ganolfan Ddosbarthu sy'n cynnig gwasanaeth cyfanwerthu i gyhoeddwy a llyfrwerthwyr. Yn wahanol i weddill gwaith y Cyngor, y mae'r Ganolfan, sydd â throsiant o £4.0 miliwn gros (£2.7 miliwn net), yn hunangynhaliol ac nid yw'n derbyn unrhyw gymorth o'r pwr cyhoeddus. Mae'r Cyngor yn derbyn £4.2 miliwn o arian nawdd gan Lywodraeth Cymru a'r rhan fwyaf o hwnnw yn cael ei ddosbarthu'n uniongyrchol i'r diwydiant cyhoeddi yng Nghymru – £1.66 miliwn i gyhoeddwy Cymraeg a £683k i gyhoeddwy Saesneg. Pwrpas y grantiau yw sicrhau amrywiaeth a safon y cynnyrch sydd ar gael i ddarllenwyr yng Nghymru o ran llyfrau a chylchgronau i oedolion a phlant fel ei gilydd. Mae'r Isbwyllgorau Datblygu Cyhoeddi yn chwarae rhan allweddol wrth osod cyfeiriad ar gyfer y gwariant hwn a'i oruchwyllo.

Mae pencadlys y Cyngor Llyfrau yng Nghastell Brychan, Aberystwyth. Lleolir y Ganolfan Ddosbarthu ym Mharc Busnes Glanyrafon, ar gyrion y dref.

Amcanion

Y mae llawer o waith y Cyngor Llyfrau'n ymwneud â darparu gwasanaethau sylfaenol i'r fasnach cyhoeddi. Dyma'r prif swyddogaethau craidd:

- ◁ Dosbarthu grantiau i gynorthwyo cyhoeddi amrywiaeth o ddeunydd safonol yn y Gymraeg a'r Saesneg gan sicrhau bod y cynnyrch ar gael yn eang.
- ◁ Annog a chefnogi cyhoeddwy'r Cymru i ddatblygu drwy hwyluso partneriaethau a chysylltiadau gyda Llywodraeth Cymru a chyrff celfyddydol eraill.
- ◁ Cynorthwyo a chefnogi awduron trwy ddarparu gwasanaethau a thrwy gynnig grantiau/comisiynau a sianelir trwy gyhoeddwy'r.
- ◁ Hybu diddordeb mewn llyfrau Cymraeg a llyfrau Saesneg o ddiddordeb i Gymru, ynghyd â deunydd cyffelyb arall, trwy ddarparu gwybodaeth a thrwy raglen lawn o weithgarwch.
- ◁ Hybu'r diwydiant cyhoeddi yng Nghymru yn ei holl agweddau trwy ddarparu rhychwant o wasanaethau a thrwy gydgyssylltu buddiannau awduron, cyhoeddwy'r, llyfrwerthwyr a llyfrgelloedd.

Gofynion a manylion i ymgeiswyr

Gwahoddir ceisiadau am nifer cyfyngedig o leoedd gwag ar un o isbwyllgorau ymgynghorol y Cyngor:

- **Is-bwyllgor Datblygu Cyhoeddi (Cymraeg)**

Dyma'r Is-bwyllgor sy'n goruchwylio'r gwaith o ddyrannu grantiau ar gyfer cyhoeddi yn y Gymraeg gan ddarparu cefnogaeth ar gyfer llyfrau a chylchgronau, noddi awduron ac artistiaid gweledol, a chynnig arian craidd a grantiau marchnata i gyhoeddwy'r. Mae'r aelodaeth bresennol yn cynnwys ystod eang o ddiddordebau gan gynnwys darllenwyr brwd, adolygwyr, llyfrgellwyr, academyddion, beirniaid, addysgwyr, hyrwyddwyr ac arbenigwyr ym maes llyfrau plant. Mae amrywiaeth yr Is-bwyllgor yn bwysig er mwyn cynnig y cyfeiriad priodol i holl weddau'r diwydiant. Mae'r Cyngor bob amser yn frwd i gynnal a datblygu'r amrywiaeth hwn, nid yn unig o ran diddordebau ac arbenigeddau, rhywedd a chynrychiolaeth ddaearyddol, ond hefyd o ran crefydd, cyfeiriadedd rhywiol, hil, anabledd a chefnidir cymdeithasol. Croesewir ceisiadau gan unrhyw un sy'n frwd dros gyhoeddi yn Gymraeg. Cynhelir cyfarfodydd yr Is-bwyllgor hwn trwy gyfrwng y Gymraeg.

- **Is-bwyllgor Datblygu Cyhoeddi (Saesneg)**

Dyma'r Is-bwyllgor sy'n goruchwylio'r gwaith o ddyrannu grantiau ar gyfer cyhoeddi yn Saesneg gan ddarparu cefnogaeth ar gyfer llyfrau a chylchgronau, noddi awduron a chynnig arian craidd a grantiau marchnata i gyhoeddwy'r. Mae'r aelodaeth bresennol yn cynnwys ystod eang o ddiddordebau gan gynnwys darllenwyr brwd, adolygwyr, llyfrgellwyr, academyddion, beirniaid, addysgwyr, hyrwyddwyr ac arbenigwyr ym maes llyfrau plant. Mae amrywiaeth yr Is-bwyllgor yn bwysig er mwyn cynnig y cyfeiriad priodol i holl weddau'r diwydiant. Mae'r Cyngor bob amser yn frwd i gynnal a datblygu'r amrywiaeth hwn, nid yn unig o ran diddordebau ac arbenigeddau, rhywedd a chynrychiolaeth ddaearyddol, ond hefyd o ran crefydd, cyfeiriadedd rhywiol, hil, anabledd a chefnidir cymdeithasol. Croesewir ceisiadau gan unrhyw un sy'n frwd dros gyhoeddi yn Saesneg yng Nghymru. Cynhelir cyfarfodydd yr Is-bwyllgor hwn trwy gyfrwng y Saesneg.

Mae'r Cyngor yn awyddus i benodi unigolion a chanddynt syniadau ac egni a fydd yn gallu cyfrannu at waith hollbwysig yr isbwyllgorau hyn. **Dylid nodi, fodd bynnag, mai un o'r prif ystyriaethau wrth ystyried y ceisiadau fydd yr angen i lenwi bylchau o ran profiad a sgiliau.**

Mae'r isbwyllgorau yn cyfarfod yn rheolaidd yn ystod y flwyddyn drwy wahanol ddulliau, ar Zoom ac wyneb yn wyneb yn Aberystwyth. Pan fydd cyfarfod wyneb yn wyneb mae dewis i ymuno drwy Zoom yn ogystal. Mae'r Is-bwyllgor Cymraeg yn cyfarfod tua chwe gwaith y flwyddyn a'r Is-bwyllgor Saesneg tua phedair gwaith y flwyddyn. Disgwylir i'r aelodau gynnig barn ar geisiadau grant a deuir ar eu gofyn rhwng cyfarfodydd am adroddiadau ar gyhoeddiadau rhai o'r gweisg ac am eu barn ar ambell bwnc. Penodir am gyfnod o dair neu bedair blynedd gyda phosibilrwydd o un tymor ychwanegol.

Tâl

Ad-delir aelodau am dreuliau ychwanegol yn unol ag arfer dda, ond nid yw'r aelodau yn derbyn taliadau eraill am eu cyfraniad. Fodd bynnag, rydym yn cydnabod y gallai costau gofal neu golli incwm fod yn rhwystr i ymwneud â'r Cyngor Llyfrau i rai pobl. Rydym wrthi'n ystyried ffyrdd o gefnogi ymgeiswyr a fyddai, fel arall, efallai'n methu ag ystyried ymuno â ni.

Cyfle Cyfartal

Mae'r Cyngor yn awyddus bod ei bwyllgorau yn adlewyrchu Cymru yn ei holl amrywiaeth ac yn croesawu ceisiadau gan bobl o bob cefndir, ac yn arbennig unigolion sydd, yn draddodiadol, wedi teimlo eu bod yn cael eu tangynrychioli yn y diwydiant. Dilynir egwyddorion cystadleuaeth deg ac agored a bydd y penodi ar sail teilyngdod ac ar sail y bylchau sydd yn sgiliau a phrofiad yr Is-bwyllgor ar y pryd.

Datgan Budd

Wrth wneud y cais, dylai ymgeiswyr ddatgelu unrhyw fudd personol neu gyswllt busnes a all wrthdaro â'u cyfrifoldeb fel aelod o un o isbwyllgorau ymgynghorol y Cyngor Llyfrau.

Diogelu Data

Noder y bydd manylion am aelodau isbwyllgorau'r Cyngor yn cael eu cadw ar ffeil, a hynny'n unig ar gyfer dosbarthu gwybodaeth berthnasol i'r aelodau.

Ceisiadau

Os ydych yn credu bod y cymwysterau angenrheidiol gennych i fod yn aelod o un o isbwyllgorau Cyngor Llyfrau Cymru, dylid anfon eich ffurflen gais at:

Y Prif Weithredwr, Cyngor Llyfrau Cymru, Castell Brychan, Aberystwyth, Ceredigion SY23 2JB.

Y dyddiad olaf ar gyfer derbyn ceisiadau yw **22 Medi 2025**.